

SPECIFIKIMET TEKNIKE

OBJEKTI: ***“REABILITIMI I LIQENIT TE DESHATIT “BASHKIA DIBER***

❖ HYRJE

Qëllimi i pregatitjes së këtij kapitulli është sqarimi i kërkesave për Kontraktorin në lidhje me Projektin, Ecurinë e punës konform kushteve teknike të zbatimit, Kontrates, Legjislacionit në fuqi për mbrojtjen e Punonjesve, të ambientit dhe publikut si dhe detyrimeve që duhet të plotësojë Kontraktori gjatë zbatimit të punimeve.

❖ AUTORIZIMET ME SHKRIM

“ Rregullat me shkrim ” do t’i referohen çdo dokumenti dhe letre të nënshkruar nga Supervizori të dërguara kontraktuesit që përmbajnë instruksione, udhëzime ose orientime për kontraktorin në mënyrë që ai të realizojë ekzekutimin e kësaj kontrate. Arben Dani

Fjalët e aprovuara, të drejtuara, të autorizuar, të kërkuara, të lejuara, të urdhëruara, të instruktuar, të emëruara, të konsideruara të nevojshme, urdhëresa ose jo (duke përfshirë emra, folje, mbiemra, dhe ndajfolje) të një rëndësie, do të kuptohet që aprovimet e shkruara, drejtimet, autorizimet, kërkesat, lejet, rregullat instruksionet, emërimet, urdhëresat e Supervizorit do të përdoren deri në daljen e një plani tjetër pune.

❖ HYRJA NE SHESHIN E NDERTIMIT

Gjatë të gjithë kohës së zbatimit të punimeve, Kontraktori duhet të organizojë punën për lëvizjen e njerëzve në sheshin e ndërtimit. Sheshi i ndërtimit duhet të jetë i rrethuar me shirita plastike të përshtatshëm që njoftojnë publikun për kryerjen e punimeve në këtë shesh. Kontraktori nuk duhet të lejojë hyrjen në sheshin e ndërtimit të personave që nuk kanë lidhje me ndërtimin e objektit. Kontraktori do të mbajë përgjegjësi për çdo problem që mund të ndodhë në sheshin e ndërtimit gjatë të gjithë kohës së ndërtimit të objektit. Kontraktori është përgjegjës për sigurinë, qëndrueshmërinë si dhe kullimin e ujrave sipërfaqesore në sheshin e ndërtimit. Kontraktori duhet të organizojë punën për ndërtimin dhe mirëmbajtjen e rrugëve hyrëse në sheshin e ndërtimit kur shihet e nevojshme prej tij ose supervizorit të punimeve.

❖ FURNIZIMI ME UJE

Uji që nevojitet për zbatimin e punimeve do të merret nga Rrjeti kryesor nëpërmjet një matësi në pikën më të afërt të mundshme e cila do të caktohet nga Ndermarrja e Ujesjellesit që e ka në përdorim linjen e Ujesjellesit. Kontraktori do të shtrijë rrjetin e vet të përkohshëm të tubacioneve. Lidhjet me rrjetin kryesor dhe kostot perkatese në lidhje me furnizimin me ujë do të paguhet nga Kontraktori. Në rast se nuk ka mundësi lidhje me rrjetin e Ujesjellesit, Kontraktori duhet të bëjë vetë përpjekjet për furnizim me ujë higjenikisht të pastër (të pijshëm për puntorët) dhe punimet e betonit (të moss jetë ujë me përbërje gipsi apo gëlqerorë) që do të kryhen gjatë zbatimit të projektit.

❖ GRAFIKU I PUNIMEVE

OBJEKTI: *“REABILITIMI I LIQENIT TE DESHATIT “BASHKIA DIBER*

Kontraktuesi duhet t'i japë supervizorit një program të plotë duke i treguar rendin, procedurën dhe metodën sipas së cilave, ai propozon të punohet në ndërtim deri në mbarim të punës. Informacioni që mban supervizori duhet të përfshijë: vizatime që tregojnë rregullimin gjeneral të ambienteve të godinës dhe të ndonjë ndërtimi apo strukture tjetër të përkohshme, të cilat ai i propozon për përdorim; detaje të vendosjes konstruksionale dhe punëve të përkohshme; plane të tjera që ai propozon t'i adaptojë për ndërtim dhe përfundimin e të gjitha punëve, si dhe në vijim, detaje të fuqisë punëtore të kualifikuar dhe jo të kualifikuar si dhe supervizionin e punimeve.

Mënyra dhe rregulli që janë propozuar për të ekzekutuar këto punime permanente është temë për t'u rregulluar dhe aprovuar nga supervizori, dhe çmimi i kontratës duhet të jetë i tillë që të përfshijë çdo rregullim të nevojshëm, të kërkuar nga supervizori gjatë zbatimit të punimeve.

❖ PIKETIMI DHE FOTOGRAFIMI I PUNIMEVE

Kontraktori, me shpenzimet e tij, do të bëjë ndërtimin e piketave dhe modinave sipas kërkesave të kushteve teknike të zbatimit dhe në përputhje me informacionin e dhënë nga Investitori. Ai do të jetë përgjegjësi i vetëm për saktësinë dhe përpikmerinë e vendosjes së tyre dhe matjeve në terren. Kontraktori do të verifikojë të gjitha dimensionet, saktë dhe detajet të treguar në vizatimet, grafikët ose të dhëna të tjera dhe Punëdhënësi nuk do të mbajë përgjegjësi për ndonjë mangësi ose mospërputhje të gjetur në to. Ai do të marrë masat për ruajtjen dhe mbrojtjen e tyre nga dëmtimet që mund të bëhen gjatë zbatimit të punimeve dhe duhet të rivendosë çdo piketë të demtuar..

Kontraktori do të marrë përsipër të gjithë përgjegjësinë në bërjen e llogaritjeve e volumeve, llojeve dhe sasive të materialeve dhe paisjeve të përfshira në punën që duhet kryer sipas Kontratës. Ai nuk do të lejohet të ketë avantazhe nga ndonjë gabim ose mospërputhje, ndërsa një udhezim i plotë do të jepet nga Punëdhënësi nëse do të gjenden gabime të tilla ose mospërputhje. Kontraktori duhet të japë asistencën e tij teknike tek Punëdhënësi për kontrollin e piketave dhe modinave në terren. Kontraktori gjatë të gjithë fazes së zbatimit të punimeve duhet të bëjë në mënyrë periodike dhe të vazhdueshme, fotografime të punës sipas udhëzimeve të Supervizorit në mënyrë që të demostrojë progresin e punës, cilësinë e materialeve të përdorura dhe punimeve të kryera, kushtet e punës, etj. Shpenzimet për fotografimet duhet të jenë të parashikuara në shpenzimet administrative të Kontraktorit dhe nuk do të njihet ndonjë shtesë në lidhje me to.

❖ BASHKEPUNIMI NE SHESHIN E NDERTIMIT

Gjatë të gjithë kohës së zbatimit të punimeve, Kontraktori duhet të bashkëpunojë ngushtë jo vetëm me supervizorin e punimeve dhe përfaqësuesin e Punëdhënësit por edhe me përfaqësuesit e Ndermarrjeve të Ujesjelles-Kanalizimeve, elektrike, Telefonike, etj në mënyrë që të marrë informacionin e duhur për gjendjen aktuale të sistemeve ekzistuese të ujesjellesit, KUZ, KUB, elektrike, telefonike, etj dhe të shmange sa të jete e mundur dëmtimet e këtyre rrjeteve inxhinierike që do të jenë të vendosura në zonën e punimeve që po kryhen. Ndërtimi do të bëhet në zonën të kufizuar në mënyrë që të mos pengohet lëvizja e mjeteve të transportit apo puna e Kontraktoreve të tjerë të mundshëm që mund të jenë duke punuar në këtë zonë. Për sa me shpejt Kontraktori duhet të bashkëpunojë me përfaqësues të pushtetit lokal si dhe me Policinë e shtetit.

❖ MBROJTJA E PUNIMEVE, AMBIENTIT DHE PUBLIKUT

OBJEKTI: *“REABILITIMI I LIQENIT TE DESHATIT “BASHKIA DIBER*

Kontraktori duhet të marrë të gjitha masat e duhura paraprake për mbrojtjen e puntorëve, publikut si dhe pasurive përreth sheshit të ndërtimit konform ligjeve në fuqi. Kontraktori duhet të bëjë sigurimin e jetës së punonjësve të saj, makinerive dhe punimeve pranë njëres prej shoqërive të Sigurimit që veprojnë në Shqipëri. Kontraktori duhet të sigurojë pengesa të pershtatshme, shenja me drita të kuqe "rrezik" ose "Kujdes" si dhe vrojtues në të gjitha vendet ku punimet mund të shkaktojnë crregullime të levizjes normale të mjeteve. Kontraktori, me shpenzimet e veta duhet të ndërmarrë të gjitha veprimet e mundshme për të siguruar ruajtjen e ambientit lokal nga ndotjet e ndryshme gjatë punës, nga zhurmat, nga demtimet e pemeve, etj. Për këtë arsye, të gjitha makineritë dhe pajisjet që do të operojnë në terren duhet të jenë të pastra, të përshtatshme për transportin e materialeve pa shkaktuar derdhjen e tyre dhe konform rregullave dhe kushteve teknike të lëvizjes së tyre. Mosplotesimi i kushteve të mësipërme mund të sjellë edhe ndërprerjen e Kontratës.

❖ TABELA E PUNIMEVE

Kontraktori në fillim të punimeve duhet të përgatitë një tabelë metalike me përmasat kryesore 2 x 1 m ku të jepen të dhënat Kryesore për emrin e objektit, vlerën e tij, Fillimin dhe Perfundimin e Punimeve, Punedhënesin, Kontraktorin, Supervizorin e Punimeve, etj. Tabela e Punimeve duhet të vendoset në një vend të dukshëm pranë sheshit të ndërtimit në bashkëpunim me Supervizorin dhe Punedhënesin.

❖ TRANSPORTI DHE MAGAZINIMI I MATERIALEVE

Transporti i materialeve nga Kontraktori duhet të bëhet me mjete transporti të përshtatshme të cilat kur të ngarkohen të mos shkaktojnë derdhje të ngarkësës. Ngarkesa gjatë transportit duhet të jetë e siguruar sipas kushteve dhe rregullave ligjore të transportit të mallrave. Cdo makinë që nuk plotëson këto kërkesa apo rregullat e qarkullimit do të hiqet nga Kantieri dhe do të zevendesohet me një mjet tjetër të përshtatshëm. Të gjitha materialet që do të sjellë kontraktori në objekt duhet të stivohen dhe të magazinohen në mënyrë të përshtatshme për tu mbrojtur nga rreshqitjet, demtimet, thyerjet, vjedhjet, etj. Ato duhet të vendosen në mënyrë të tillë që të jenë të kontrollueshme nga Supervizori në çdo kohë. Kontraktori të punojë me kujdes gjatë procesit të punës për heqjen e tubit ekzistues, duke e ruajtur atë si gjatë procesit të heqjes ashtu dhe gjatë procesit të ngarkimit të transportimit dhe të magazinimit në kantierin e bashkisë. Kontraktori duhet të sigurojë me shpenzimet e veta një vend të sigurt për magazinimin e të gjitha materialeve, ngritjen e magazinave dhe të zyrave të kantierit për Supervizorin e Punimeve në mënyrë të tillë që të jenë të përshtatshme për kushte normale pune.

❖ PASTRIMI PERFUNDIMTAR I SHESHIT

Në perfundim të punës, Kontraktori duhet të pastrojë dhe të heqë nga sheshi me shpenzimet e tij të gjitha impiantet ndërtimore, makineritë, pajisjet speciale, materialet ndërtimore që kanë tepëruar, mbeturinat e ndryshme, skeleritë, etj. Në perfundim të punimeve, Kontraktori duhet të bëjë pastrimin komplet të sheshit dhe ta kthejë sheshin e ndërtimit në kushte të pranueshme dhe me të mira se gjendja e mëparshme.

❖ DORËZIMET TEK SUPERVIZORI

OBJEKTI: "REABILITIMI I LIQENIT TE DESHATIT "BASHKIA DIBER

Kontraktori duhet t'i dorëzojë Supervizorit për çdo punim shtesë, një vizatim të detajuar dhe puna duhet të fillojë vetëm pas aprovimit nga Supervizori.

Kontraktori duhet të nënshkruajë propozime, detaje, skica, llogaritje, informacione, materiale, çertifikata testi, kurdo që të kërkohen nga Supervizori. Supervizori do të pranojë çdo dorëzim dhe nëse janë të përshtatshme do t'i përgjigjet kontraktorit në përputhje me çdo klauzolë përkatëse të kushteve të kontratës. Çdo pranim duhet bërë me data në marrëveshje me Supervizorin dhe duke iu referuar programit të aprovuar dhe kohës së nevojshme që i duhet Supervizorit për të bërë këto pranime.

Kontraktori duhet të sigurojë mostra, të etiketuara sipas të gjitha përshtatjeve, aksesoreve dhe tema të tjera që mund të kërkohen me të drejtë nga Supervizori për inspektim. Mostrat duhen dorëzuar në zyrën e Supervizorit.

❖ LIBREZAT E MASAVE

Kontraktori duhet të përgatitë vizatimet për të gjitha punimet që janë zbatuar faktikisht në terren të shoqëruara me librezat e masave ku të jepen edhe të dhënat teknike për sasinë dhe parametrat e tjerë të materialeve të përdorura. Kontraktori duhet të përgatitë edhe seksionet e profilit gajtësor e terthor të rishikuar si dhe të gjitha detajet e nevojshme të pajisur me shenimet përkatëse që tregojnë shtresat e tokës që hasen gjatë punimeve të germimit. Të gjitha punimet e maskuara duhet të pasqyrohen në librezat e masave dhe të jenë pjesë e dokumentacionit teknik që do të dorëzohet së bashku me Objektin. Vizatime dhe librezat e masave do të azhurnohen në mënyrë të vazhdueshme dhe do të dorëzohen çdo muaj Supervizorit të punimeve për aprovim. Vizatimet e aprovuara do të mbeten prona e Punëdhënësit dhe do të shërbejnë për Kolaudimin dhe dorëzimin e objektit.

❖ PUNIME GERMIMI DHE NGJESHJE DHEU

Kategoria e tokës për germim është kategoria III e IV dhe V, konform Manualeve të Ndërtimit vëllimi III. Të gjitha germimet të çfarëdo lloji të tokës që ndeshen, do të kryhen në thellësinë dhe gjerësinë e përcaktuar në vizatimet ose sipas udhëzimeve me shkrim të supervizorit të punimeve. Gjatë germimit, materiali i përshtatshëm për mbushje do të dorëzohet në mënyrë uniforme shpërndarje. Një ngarkesë prej shtatë m³ material (dheu, argjilë) të shpërndahet në trupin e digës në një distancë jo më të madhe se shtatë m/l dhe me gjerësi prej 3 m/l. Nivelimi do të bëhet me mjete fadrume, dhe pasi të mbushet i gjithë trupi i digës në një trashësi jo më të madhe se 30 cm të bëhet ngjeshja me tokmak elektrik sipas zërave të preventivit. Ngjeshja do të bëhet pasi materiali të laget me ujë, dhe pasi dheu të jetë pastruar nga mbetjet e ngurta si gurë, drurë...apo nga çdo lloj materiali që është pengesë në ngjeshje apo në filtrim të trupit të digës. Diga do të ngrihet në lartësinë mesatare 1.2 m nga kuota ekzistuese. Në volumet e dheut është llogaritur dhe koeficienti i ngjeshjes. Në të dy anet e skarpës së jashtme të realizohet nivelimi gjatë procesit të ngjeshjes. Materiali i hedhur në trupin e digës do të jetë i njëjti material ku është marrë dhe ndërtuar diga ekzistuese. Në rast të daljes së një materiali të papërshtatshëm të merret mendimi i mbykqyrësit, dhe nëse është e nevojshme të bëhet analiza përkatëse në laborator në lidhje me llojin e argjilës dhe koeficientin e ngjeshjes.

Kanalet do të gërmohen në përmasat dhe nivelin e treguar në vizatimet përkatëse ose në përputhje me instruksionet me shkrim të supervizorit të punimeve. Zëri treguar në tabelën e volumeve lidhur me germimet do të përfshijë çdo lloj kategorie dheu, nëse nuk do të jetë e specifikuar ndryshe. Në rastin kur përdoren tuba shtesë, germimi me dorë të materialit të shtratit

është i nevojshëm për çdo bashkim. Gërmimi me krah është gjithashtu i nevojshëm në afërsi të intersektimeve me infrastrukturën e tjera për të parandaluar dëmtimin e tyre.

Thellimet për pjesët lidhëse do të gërmohen më dorë , pasi fundi i kanalit të jetë i niveluar kanalet për tubacionet do të gërmohen në nivelin e pjesës së poshtme të tubacionit, për të bërë të mundur realizimin e shtratit të kanalit , tubave të çelikut ,tubave të brinjëzuar Hdpë etj, me material të gërmuar.Do të realizohet preja e drureve , degeve dhe rrenjeve në mënyrë të tillë që të mos bëhet demtimi apo prishja e bankinës së kanalit,dhe largimi në një distancë që mos të jenë pengesa për funksionimin normal të ujit në kanal.Dheu do të ngjeshet në të dy anët e betoneve të veshjes së kanalit,duke bërë të mundur mbrojtjen nga demtimet e betonit të kanalit.

❖ MBUSHJET

Punimet e mbushjeve do të bëhen sipas profilit gjatësor dhe profilave tërthor të projektit.

Kur në pjesën që do të kryhet mbushja ka dhera të papërshtatshme, dhera të hedhur dhe mbeturina, detyruesisht ato duhet të hiqen.

Për fillimin të mbushjes, bëhet ngjeshja e skarpave ose bazamentit ekzistues, duke e lagështuar atë në funksion të formacionit të tokës, stinës dhe lagështisë natyrore. Në pjesët e shkallëzuara, ngjeshja do të bëhet me makineri të përshtatshme.

Në kanalet vaditëse në zonat ku mbushja bie mbi kanale ekzistues, detyruesisht të bëhet pastrimi i tyre nga llumi dhe gërmimi do të bëhet deri në gjetjen e bazamentit të përshtatshëm, i cili duhet të ngjeshet. Mbushjet do të bëhen me shtresa nga 20 cm deri në 30 cm dhe do të ngjeshen me mjete të përshtatshme, si tokmak elektrik ,por pa demtuar pjesët e rikonstruara të kanaleve të digës apo mureve mbajtëse.

❖ HEQJA E MATERIALEVE TË TEPERTA GJATË GËRMIMEVE

I gjithë materiali i tepërt i gërmuar do të largohet në vendet e aprovuara nga Punëdhënësi.

Kur është e nevojshme të transportohet materiali me mjete të nevojshme ,në mënyrë që të ruhet ambienti,rruga nga derdhjet apo rënia e dherave gjatë rrugës.

❖ PUNIME BETONIMI

Përpara së të fillojë procesi i përgatitjes së betonit , zona brenda armaturave,apo modinave duhet të jetë pastruar shumë mirë me ujë ose ajër . Asnjë proces betonimi nuk duhet të kryhet derisa supervizori të ketë inspektuar dhe aprovuar gërmimin , masat e marra për mbrojtjen nga kushtet atmosferike , masat për shpërndarjen e ujit për freskim dhe stazhionim të betonit , fugat ndërtimore dhe fiksimin e fundeve , armimin si dhe të gjitha materialet e tjera për betonimin dhe masat e tjera në përgjithësi.

Materialet që do të përdoren për betonim dhe që do t'i nënshtrohet kontrollit të supervizorit janë çimentoja Portland e zakonshme që do të përdoret siç standartet e ISO ose ASTM c-150 , e cila do të përdoret për ato betone që nuk janë në presencë të ujërave të zeza apo nëntokësore ose çimentoja Portland Sulfate që do të përdoret për betonet që janë në presencë të ujërave sipërfaqësore apo nëntokësore. Inertët e imta për kategoritë e betonit C16/20 do të jenë prej rëre natyrore , gurë të shoshitur ose material të tjerë me të njëjtat karakteristika apo kombinimin e tyre. E gjithë kjo duhet të jetë e pastruar mirë , pa masat e mpiksura , cila të buta e të veçanta , vajra , alkale , lëndë organike , argjile dhe sasi të substancave të tjera dëmtuese. Përmbajtja e lejueshme e limit dhe substancave të tjera dëmtuese është 5%.

Materialet e marra nga gurë të papërshtatshëm për inerte nuk duhet të përdoren për inerte të imta. Inertët që do të përdoren për miksimin e betonit nuk duhet të përmbajnë më shumë se 10% të

materialit me të hollë se 0.1mm të hapësirës në rrjetë dhe jo më shumë se 5% të pjesës së mbetur në 2.4mm.

Kontraktori duhet të bëjë disa prova në kubikët e marrë si kampione dhe të shënojë inertet dhe fraksionimin e tyre , përzierjen e betonit në fillimin e punës për pregatitjen e betonit.

Këta kubikë duhet të testohen në laborator në kushte të njëjta nga 7 , 14 dhe 28 ditë dhe do të shoqërohen me fletë analize për çdo kubik.

Ne kete preventiv jane parashikuar punime germimi, prerje tubacioni ekzistues dhe largim tubi te demtuar ,F.V saracineskë dhe F.V vendosje tubacioni ne gjatesi te kanalit ujites dhe sifoni, hidroizolime te tubit me emulsion, sistemim dhe mbushje me zhavorr per krijimin e bazamentit. Betonet do te vibrohen me vibratore deri ne nxjerrjen e ajrit por pa demtuar armaturen si shkak i vibrimit.

❖ HEKURI PER BETONET

Shufrat e armimit duhet te kthehen sipas masave dhe dimensioneve te vizatimeve dhe ne perputhje te plote me rregulloren e rishikuar te ASTM, shenimi A - 615 me titullin " Specifikimet per shufrat e hekurit per betonarme". Ato duhet te perkulen ne perputhje me viaztimet e ASTM A-305, celik 3 me sigma te rrjedhshmerise $s=250 \text{ kg/cm}^2$. Hekuri i armimit duhet te jete pa njolla, ndryshk, vajra, bojra, graso, etj qe mund te demtoje lidhjen midis betonit dhe armimit ose qe mund te shkaktoje korrozionin e armimit. Shufrat duhet te perkulen gjithmone ne te ftohte. Shufrat e perkultura jo sic duhet do te perdoren vetem ne se mjetet e perdoruara te mos demtojne materialin. Rrezja e brendshme e perkuljeve nuk duhet te jete me e vogel se dyfishi i diamterit te shufrave per hekur te bute dhe trefishi i diametrit te shufrave per hekur shume elastik. Armimi duhet te behet me shume kujdes dhe te mbahet nga pajisjet speciale te miratura ne skica. Kordonat lidhes dhe te tjeret si keto duhet te lidhen fort me shufrat dhe pervec kesaj duhet te jene te lidhura edhe me tel.

❖ KALLEPET (ARMATURAT)

Armaturat ose kallepet duhet te jene ne pershtatje me profilet, linjat dhe dimensionet e betonimit te percaktuara ne skicat dhe vizatimet perkatese te fiksuara apo te mbeshtetura me pyka apo mjete te ngajshme per te lejuar qe ngarkimi te jete i lehte dhe format te levizen pa demtime dhe pa goditje ne vendin e punes. Furnizimi, fiksimi dhe levizja e kallepeve duhet t ejete pjese e punes brenda cmimit njesi te dhene per kategorite e ndryshme te betoneve te furnizuar dhe te hedhur ne veper. Kallepet duhet te ndertohen me vija qe mbyllen lehteisht per largimin e ujit, materialeve te demshme dhe per qellime inspektimi si dhe me lidhesa per te lehtesuar shkeputjen pa demtuar betonin. Te gjitha mbeshteteset vertikale duhet te jene te vendosura ne menyre te tille qe mund te ulen dhe kallepi te shkeputet lehte me goditje apo shkeputje. Metoda e fiksimit te kallepit faqe te ekspozuara te betonit nuk duhet te perfshijne ndonje lloj fiksimi ne beton ne menyre qe te kemi siperfaqe te sheshta betoni. Armaturat mund te jene prej druri ose metali por gjithmone ato duhet te jene rrigjide dhe te forta per ti qendruar forces se betonit dhe cdo ngarkese konstruktive. Ne cdo rast ato duhet te jene te mberthyera ne menyre gjatesore dhe terthore. Pjesa e brendshme e te gjitha aramturave duhet te lyhen me vaj liri, nafte bruto ose sapun cdo here qe ato fiksohen ne menyre qe te parandalohet ngjitja e betonit tek armatura. Armatura duhet te goditet pa tronditur, vibruar ose demtuar betonin. Armatura qe do te riperdoret duhet te riparohet dhe te pastrohet perpara se te rivendoset ne objekt. Siperfaqet e brendshme duhet te pastrohen komplet para vendosjes se betonit. Ne rast se armatura eshte prej druri siperfaqja e brendshme duhet te laget pikerisht perpara se te hidhet betoni. Dhe nuk duhet të

OBJEKTI: ***“REABILITIMI I LIQENIT TE DESHATIT “BASHKIA DIBER***

hiqen pa u ngurtësuar betoni,që të mos dëmtohet nga lëvizja e armaturës. Armatura duhet te hiqet vetem me lejen e Supervizorit te Punimeve megjithate ne cdo rast.

❖ **PUNIME TË GABUARA**

Çdo punë, që nuk është në përputhje me këto specifikime, duhet refuzuar dhe kontraktuesi duhet të riparojë çdo defekt me shpenzimet e veta, sipas projektit.

SPECIFIKIMET TEKNIKE TE MATERIALEVE:

❖ ***Prerja e Tubit te Celikut ø 200 mm ekzistues.,çmontimi i saraçineskës ekzistuese***

Prerja e tubit ekzistues te demtuar do te realizohet me ane te prerjes me paisjet e nevojshme , pasi te realizohet kushtet e përshtatshme të pastrimit te tubit.Tubi ekzistues do të pritët ne gjatësinë e përshtatshme për ta prerë dhe për të bërë më pas saldimin për zgjatim. Me pas do te realizohet procesi i saldimit .Saldimi i tubi te behet pas te jete krijuar hapësira e nevojme për të kryer punime. Të hiqet saracineska ekzistuese me kujdes pa bërë dëmtim të tubit menë të cilën është montuar ,duke patur kujdes nga goditjet në të pasi mund të dëmtojnë tubin e shkarkimit.

❖ ***F.V. Tuba celiku ø200mm me $\delta=6\text{mm}$ dhe ø 508me $\delta=6\text{ mm}$,saraçineska ,flanzha.***

Tubi i celikut do te jete me tegela saldimi dhe i pa izoluar perpara montimit ne sifon . Vendosja e tij do te realizohet nepermjet vinçit (apo me menyra te tjera ,aty ku nuk eshte mundesia per Vinç) dhe pasi te jete bere sistemimi i baze se kanalit.Gjithashtu perpara se tubi i ri te vendoset ne kanal , duhet te kihet parasysh pregatitja e qaforeve te bashkimit ne tubin ekzistues . Me pas do te behet e mundur realizimi i saldimit te dy tubave ne menyre te tille qe te mos kemi rrjedhje pas perfundimit te saldimit si dhe te mos kemi pengese te rrjedhjes se ujit ne tub. Saldimet per zhblokimin e sifonit te behen konform kushteve teknike.pas realizimit të prerjes ,saldimit të zgjatimit të tubit ,të bëhet vendosja e flanzhave në të cilat do të bëhet vendosja e dy saraçineskave të reja sipas projektit.

❖ ***Mbajtja dhe transportimi i tubave ne zone***

Tubat e celikut do te mbahen me kujdes gjate gjithë kohes se prodhimit, transportimit ne vendin e punes dhe instalimit. Çdo tub do te inspektohet ne menyre te kujdesshme sipas standarteve te kerkesave te specifikut gjate dorezimit dhe perpara se te shtrihen. Asnje tub i krisur, i thyer apo me difekt nuk do te perdoret ne veper. Dëmtimi i pjeses fundore te tubave qe sipas Mbikqyresit te Punimeve mund te shkaktoje lidhje difektoze, do te jete shkak i mjaftueshem per te hequr tubat e demtuar.Tubat do te pastrohen plotesisht nga mbeturinat me brendesi perpara se te instalohen dhe do te mbahen te paster ne pergjegjesine e Sipermarresit deri ne marrjen ne dorezim te punimeve. Te gjitha kontaktet siperfaqsores te bashkimevedo te mbahen te pastra deri sa te kete perfunduar bashkimi, Do te merren masa per ndalimin e futjes se materialeve te huaja ne brendesi te tubave gjate instalimit. Ne tuba nuk do te vendosen, mbetje, vegla pune, rroba ose materiale te tjera.

❖ ***Hidroizolim me dy duar bitum.***

Hidroizolimi do te kryhet ne te gjithë trupin e tubit te ri te celikut perpara se te vendoset ne sifon dhe pjeset e qaforeve te saldimit do te rezlizohen me pas me bitum te lengshem me furce. Bitumi do te jete i pregatitur me pare dhe i amballazhuar ne kova metalike 20÷25kg , prodhim vendi apo i huaj . Lyerja do te realizohet me dy faza , ne menyre qe dora e pare e lyerjes te kete filluar procesin e mpiksjes dhe te behet e mundur lidhje e dores se dyte me te paren. Duhet patur parasysh qe qaforet e saldimit ne te dy anet e

OBJEKTI: “REABILITIMI I LIQENIT TE DESHATIT “BASHKIA DIBER

instalimit te tubit te ri do te realizohen pas saldimit dhe nuk duhet te jene te mbeshetura ne toke natyrale apo te germuar dhe te pastra.

❖ *Zevendesimet*

Zëvendësimi i materialeve të specifikuar në Dokumentin e Kontratës do të behet vetem me aprovimin e Mbikqyrësit të Punimeve në se materiali i propozuar për tu zëvendësuar është i njëjtë ose me i mirë se materialet e specifikuar, ose në se materialet e specifikuar nuk mund të sillen në sheshin e ndërtimit në kohë për të përfunduar punimet e Kontratës për shkak të kushteve jashtë kontrollit të Sipërmarrësit. Që kjo të merret në konsideratë, kërkesa për zëvendësim do të shoqërohet me një dokument dëshmi të cilësisë, në formën e kuotimit të certifikuar dhe të datës së garancisë të dorëzimit nga furnizuesit e të dy materialeve, si të materialit të specifikuar ashtu edhe të atij që propozohet të ndryshohet.

❖ TRANSPORTI DHE MAGAZINIMI I MATERIALEVE

Transporti i materialeve nga Sipërmarrësi do te behet me makina te pershtateshme cilat kur ngarkohen nuk shkaktojne derdhje dhe e gjithë ngarkesa te jete e siguruar. Ndonje makine qe nuk ploteson kete kerkese ose ndonje nga rregullat ose ligjet e qarkullimit do te hiqen nga kantjeri. Te gjitha materialet qe sillen nga Sipërmarrësi, duhet te sistemohen ne menyre te pershtateshme per ti mbrojtur nga rreshqitjet, demtimet, vjedhjet dhe ne dispozicion, per tu kontrolluar nga Mbikeqyresi i Punimeve ne cdo kohe.

❖ KOSTOT E SIPËRMARRËSIT PËR MOBILIZIM DHE PUNIME TË PËRKOHËSHME

Do të kihet parasysh që Sipërmarrësit nuk do ti bëhet asnjë pagesë mbi çmimet njësi të kuotuar për kostot e mobilizimit, d.m.th. për sigurimin e transportit, dritën, energjinë, veglat dhe pajisjet, ose për furnizimin e godinës dhe mirëmbajtjen e impjanteve të ndërtimit, rrugëve të hyrjes, të komoditeteve sanitare, heqje e mbeturinave, punën, furnizimin me ujë, mbrojtjen kundra zjarrit, bangot e punës, rojet, rrjetin telefonik si dhe struktura të tjera të përkohëshme, paisje dhe materiale, ose për kujdesin mjekësor dhe mbrojtjen e shëndetit, ose për patrullat dhe rojet, ose për ndonjë shërbim tjetër, lehtësi, gjëra, ose materiale të nevojshme ose që kërkohen për zbatimin e punimeve në përputhje me atë që është parashikuar në Kontratë.

❖ PROVAT

Ky seksion përfaqëson procedurat e kryerjes së provave për materialet e ndërtimit me qëllim që të sigurojë dhe përputhje me kërkesat e Specifikimeve.

❖ TIPI DHE ZBATIMI I PROVAVE

Për punimet e betonit dhe të hekurit të armimit në objekte të ndryshme do të kryhen provat e mëposhtme:

Dhënia e recetës së betoneve për klasat e betonit sipas projektit, bazuar në materialet që do të përdoren, pasi të jenë përcaktuar më parë karakteristikat e materialeve përbërëse të betonit (çimento, inerte).

Shpërndarja e madhësisë së grimcave e materialeve inerte të betonit (Granulometria) gjatë periudhës së ndërtimi.

Provat e çimentos (rezistenca 3,7 dhe 28 ditore, fillim – mbarim i prezës)
Rezistenca në shtypje e betonit gjatë periudhës së ndërtimit, bazuar në standartet shqiptare
Rezistenca në tërheqje e hekurit të ndërtimit për çdo lloj diametri të përdorur.
Zgjatimi relativ i hekurit të ndërtimit

❖ **STANDARTET PER KRYERJEN E PROVAVE**

Të gjitha provat do të bëhen në përputhje me metodat standarte shqiptare ose me të tjera ndërkombëtare të aprovuara më parë nga mbikqyrësi i punimeve.

❖ **MARRJA E KAMPIONEVE EDHE NUMRI I PROVAVE**

Metoda e marrjes së kampioneve do të jetë siç është specifikuar në metodat e aplikueshme të marrjes së kampioneve dhe të kryerjes së provave ose siç udhëzohet nga Mbikqyrësi i Punimeve. Frekuenca e kryerjes së provave do të jepet nga Mbikqyrësi i Punimeve. Marrja e ndonjë kampioni shtesë mund të rekomandohet po nga Mbikqyrësi i Punimeve. Enë të tilla si çanta, kova e të tjera, do të jepen nga Sipërmarrësi. Marrja e mostrave për provë do të kryhet nga Sipërmarrësi në vëndet dhe periudhat që udhëzon Mbikqyrësi i Punimeve. Marrja, transportimi e sjellja e tyre në laborator do të bëhet nga Sipërmarrësi. Në kantier duhet të sigurohet një laborator i vogël fushor për të kryer provat e lagështisë dhe densitetit të thatë të materialit gjatë punës, për të verifikuar në se është arritur apo jo ngjeshja sipas kërkesës së dhënë në këto specifikime teknike.

❖ **NDËRPRERJA E PUNIMEVE**

Ndërprerja e punimeve për arsye të marrjes së kampioneve do të përfshihet në grafikun e punimeve të Sipërmarrësit. Nuk do të pranohet asnjë ankesë nga ndërprerja e punimeve për shkak të marrjes së kampioneve. Provat në laborator do të bëhen në një kohë të përshtatëshme me metodën e përshkruar të provës. Ndërpjerja e punimeve nga Kontraktori do të kryhet për arsye të justifikuara dhe në asnjë rast pa miratim të mbikqyrësit të punimeve dhe të Investitorit.

❖ **PROVAT E KRYERA NGA SIPËRMARRËSI**

Për arsye krahasimi, Sipërmarrësi është i lirë të kryejë vetë ndonjë prej provave. Rezultatet e provave të tilla do të pranohen vetëm kur të kryhen në një laborator të aprovuar me shkrim nga Mbikqyrësi i Punimeve. Të gjitha shpenzimet e provave të tilla pavarësisht se nga vijnë rezultatet do të mbulohen nga Sipërmarrësi.